

Michałk, Frido

Wo zwuraznjenju modalnosće w němsko-serbskim rěčnym kontakće

In: Otázky slovanské syntaxe. III, Sborník symposia "Modální výstavba výpovědi v slovanských jazycích", Brno 27.-30. září 1971. Vyd. 1. Brno: Universita J.E. Purkyně, 1973, pp. 197-200

Stable URL (handle): <https://hdl.handle.net/11222.digilib/120854>

Access Date: 16. 02. 2024

Version: 20220831

Terms of use: Digital Library of the Faculty of Arts, Masaryk University provides access to digitized documents strictly for personal use, unless otherwise specified.

WO ZWURAZNJENJU MODALNOSĆE

W NĚMSKO-SERBSKIM RĚČNYM KONTAKĆE

1.0 Pod wliwom němčiny je so zdžela přeorganizował system wurazowych sřdkow modalnosće w serbštinje, a to kaž w starej a nowej literarnej rěči tak tež we wobchadnej rěči a w dialektach.

1.1.1. Tak stej z němčiny přešloj do serbštiny jako leksikaliskej požconce modalnej slowjesy *dürfen* (*dyrbjeć/dejaś* a pod.) a *müssen* (*musyć/mysyś* a pod.). Prěnje je rozšerjene we wšitkich serbskich dialektach, druhe jenož w delnjo-serbskich a přechodnych dialektach a w někotrych sewjernych hornjoserb. narěčach.¹ Hdžež stej wobě slowjesy znatej, stej sej po woznamje jara bliskej, jeli tež njejstej identiskej. Přir. např.: *Da musy zas přec jen připódla być nocu a wednje, alzo unter awfzicht da dyrb i tón milar přec być.*² *Musy a dyrbi* hodžítej so tu wzajomne wuměnič bjez toho, zo by so na modalnosći tohole wuprajenja něšto přeměnilo.

Njewumějomne steji *dejaś* po negaciskej partikli *nje-* a ma tu woznam „nicht dürfen“: *Wón dej sebje nabrac pólneho, ale te lěpše sebje njedej zabyć.*³ Žda so, zo so *musyć* a pod. nihdy njewuživa z negaciskej partiklu. Znajmješa pokazuje na to material dotal wozjewjenych serbskich dialektnych tekstow.⁴

Dale so hodži kóžde *musyć* a pod. w swojim kontekscé jenož jako „*müssen*“ do němčiny přeložić. Njenegowane *dejaś* a pod. pak drje tež husto dosć — sudžo po kontekstach, w kotrychž so wobkedžbuje — tu samsnu modalnosć zwurazna kaž *musyś* a pod., ale druhdy *dyrbi* (abo móže) so přeložić do němčiny jako „*sollen*“; přir. na př.: *kak dej m groniś* „wie soll ich sagen“. Potajkim, mjez tym zo *musyć* a pod. wotpowěduje tež semantisce swojej němskej předloze, nima njenegowane *dyrbjeć* semantisce ze swojej předlohu ničo zhromadne. Wone pak tež žanemu druhemu němskemu modalnemu slowjesu dospołnje njewotpowěduje, na př. tež nic *sollen*, kaž so to wopak twjerdži w Mukowym słowniku.⁵

1.1.3. W tych dialektach, w kotrychž je jenož jedna z mjenowaneju požčonkow znata (*dyrbjeć*), wobsłužuje wona modalne wšitke sady, za kotrež stej w tamnych dialektach k dispoziciji dwě slowjesy (*musyś* a *dejaś* a pod.), hač na te pady, hdžež tam steji *dejaś* a pod. po negaciskej partikli z woznamom „nicht dürfen“. Tale modalnosć so tu zwurazna z pomocu słowjanskeho slowjesa *smęć*. Na hranicy wobeju terenow namakaja so tež tajke dialekty,

¹ Po materialach za *Serbski rěčny atlas*, kartoteka Instituta za serbski ludospyt w Budyšinje.

² *Sorbsche Dialekttexte II*, Bautzen 1964.

³ *Lautbibliothek, Sorbsche (Wendische) Texte*, bearbeitet von M. Vasmer und P. Wirth, Nr. 2.

⁴ *Sorbsche Dialekttexte I – IX*, Bautzen 1963 – 1971.

⁵ E. Mucke, *Wörterbuch der Niederwendischen Sprache und ihrer Dialekte*, St. Petersburg 1911 – 1915, Prag 1928.

hdźež pódla sebje eksistuje *musyć*, *dyrbjeć* (směć), *njedyrbjeć* a *njesměć*: *Por njedželjow předy hač horje pšidźeja, musyš lóći te kulkı.* — *A pon dyrbimo rozčiskać te rjady.* — *Mó nět žane kulki njedrimo sadžeć.* — *Lonše lěto žane njejsmo sadżane měli, lětsa tej njesměmo.*⁶

Zda so, zo modalne slowjeso směć tež bjez negaciskeje partikle w delnjoserb. a přechodnych dialektach njeje jara wužiwane (snadž scyla nic). Město njeho so wuživa móć „können, dürfen“; přir. na př.: *Za tajchwertarstwo sym ja krynoł pon te slanjo ... Te sym sej ja poten móhl rychtwać.*⁷ — *A gaž ta [galanda] jo byla wetwezyna, pen jo mela ta njewesta (z) kuždym rejwaś.*⁸

1.2. Němske slowjeso *brauchen* je polysemiske. Jóno wono steji z objektom w akuzatiwje (*er braucht Geld*) a jónu jako modalne slowjeso z infinitiwom (*er braucht nur nicht zu kommen*). Tuta polysemija je přešla tež na serbske slowjeso *trjebać* (semantiska požčonka). To płaci za wšitke hornjoserb. dialekty a za wjetšinu přechodnych dialektow. W delnjoserb. narěčach a w dželu přechodnych dialektow wuživa so *trjebać* jenož jako modalne slowjeso, a za połnozmyslne slowjeso (z akuzatiwiskim objektem) je zaskočila němska požčonka *browchowaś* a pod. (přir. něm. *brauchen*).⁹ Příkłady z dialektnych tekstow: *Te njejsu trjebali nic płaśiś.* — *A wšyknom mežoš lěwant pen browchowaś.*¹⁰

1.2.1.0. Paradigma modalnych formow serbskeho slowjesa je wostała nimale bjez němskeho wliwa. Bjez dwěla hodžitej so na tajki wliw wróćo wjesť jenož scěhowacej zjawaj:

1.2.1.1. Huste wuživanje po němskim příkladže wutworjeneje analytiskeje formy 1. wosoby plurala a duala město přenjotneje syntetiskeje formy imperatiwa: *chcemy hić!* město *pójmy!*¹¹

1.2.1.2. Huste wuwoštajenje finitneje formy pomocnego slowjesa w konjunktiwje modalnego slowjesa: *dyrbał, móhla, njesmělo, chcyłoj, měli, trjebale* město *bych dyrbał, by móhla, njeby smělo, bychmoj chcyłoj, byšće měli, bychu trjebale.* Tute faktultatiwne formy su so najskerje wutworile na zakladže toho, zo so wot němskich modalnych slowjesow — na rozdžel wot njemodalnych — mało wužiwaja analytiske formy konjunktiwa, za to pak husčišo syntetiske formy: formy *dürſte, könnte, möchte* su bóle běžne hač *würdedürſen, würde können, würde mögen.*

1.2.2. Tež wuživanje modalne markērowanych formow w serbščinje njeje so pod wliwom němciny zasadnje přeměnilo. Tak je so wobchowała přenjotna distribucija konjunktiwa. Němski wliw so pokazuje w tym, zo jeho frekwencja spaduje na lěpsinu indikatiwa. Tak so konjunktiw wutlóćuje přez indikatiw z finalnych wotwisnych sadow a z wobsahowych sadow, wotwisnych wot tajkich elementow w nadrjadowanej sadže, kotrež sej poprawom konjunktiw žadaja: *Džensa će přewodžu, zo njepadneš město ..., zo njeby padnył.* — *Ja će prošu, zo sobu přindžeš město ..., zo by sobu přišoł.*¹¹

⁶ *Sorbišche Dialekttexte VIII*, Bautzen 1970.

⁷ *Sorbišche Dialekttexte VI*, Bautzen 1968.

⁸ *Sorbišche Dialekttexte VII*, Bautzen 1969.

⁹ Po materialach za *Serbski řěčny atlas*.

¹⁰ *Sorbišche Dialekttexte III*, Bautzen 1965.

¹¹ R. Lötzscher, *Характер влияния немецкого языка на словоизменение имени и глагола в сербскоязычного языка*, Leningrad 1956 (diplomowe dzělo, rukopis).

Wśitke příklady za němski wliw na serbščinu we wobłuku wurazowych srědkow modalnosće, kotrež smy dotal naličili, pochadźeja drje z wobchadnej rěče abo z dialektow, ale wone tež spisownej rěci njejsu cuze. Tu njech scéhujetej hišće příkladaj za to, kak daleko němski wliw dže w njedisciplinowanej wobchadnej rěci: *Što jow dawje k smjeću?* po němskim příkladze *Was gibt (es) hier zu lachen?* — *To dže k sčinjenju* po němskim příkladze *Das geht zu machen.*

2.0. Pod wliwom serbščiny je so zdźela tež přeorganizował system wurazowych srědkow modalnosće w nowołužiskej němskej „narěči“, to je němčina w erče dwurěčnych Serbow. Wo leksikaliskich požčonkach tu njemóžemy rozprawić, ale kalki su tež tu na dženskim porjedže.

Smy widželi, zo system wurazowych srědkow modalnosće je w serbščinje najebać sylny němski wliw wobchował swoje wosebitosće. A tute wosebitosće so zdźela wotbłyščuja tež w němčinje dwurěčnych Serbow.

2.1.1. Němskimaj modalnymaj słowjesomaj *müssen* a *sollen* wotpowěduje w južnym dželu serbskich dialektow jenož jedne serbske (*dyrbjeć*). W sewjernych serbskich dialektach drje eksistujetej dwě słowjesy za te modalnosće, kiž w němčinje zwuraznjatej *müssen* a *sollen*, ale — kaž smy widželi — jeju distribucija so njekryje z distribuciju němskeju wotpowědnikow. Tohodla Serbja němsce rěčo druhdy wopak nałožua němskej słowjesy *sollen* a *müssen*; přir. na př.: *Eine Reihe rechts soll ich jetzt stricken. — Da sollte man (den toten Hirsch) bloß bißchen weiterziehen, da gab's ein schönes Trinkgeld. — Und nun sollen zuerst die Eltern anfangen. — Kuhstall ist noch nicht so, wie sein muß.*¹²

2.1.2. We woběmaj přeryptowanymaj rěcomaj wuživa so refleksiwnie słowjeso k zwuraznenju modalnosće móžnosće; přir. na př.: *In einem weichen Bett schlält sich's gut. — W mjechkim łożu so derje spi.*

Rozdžel mjez tymajše rěcomaj je tu w tym, zo serbske refleksiwnie słowjeso ma jednu walencu swobodnu za O₃, kotař hodži so wobsadžić z nomenom abo pronomenum, kiž zwuraznja agensa, mjez tym zo němske refleksiwnie słowjeso tule walencu normalnje nima. W nowołužiskej němčinje wone ju přewozmje wot serbščiny; přir. na př.: *Hier geht sich mir gut.*

2.2.0 Smy před chwilu zwěscili, zo je so paradigma modalnych formow serbskeho słowjesa pod němskim wliwom jenož minimalnje přeměnilo. Tak je so wobchowała tež ta wosebitosć serbskeho konjunktiwa, zo wón ma we wjetšinje dialektow jenož jedyn formowy rjad, kotryž njeje kmány, časowe rozdžele signalizować. Konjunktiw potajkim nima žadyn temporalny system. Slědy tuteje wosebitosće wobkedžbujemy tež w němčinje Serbow, a to w tym, zo woni zaměnja tempusy w konjunktiwie. Wosebje husto so wuživa konjunktiw imperfekta město konjunktiwa pluskwamperfekta; přir. na př.:

Wenn wir wollten heute mit dem Schlitten fahren, da müßte es gestern kälter sein. — Wenn sie nicht sofort gelandet hätte, würde sie abstürzen. — Als ich jung war, ich könnte ganze Stadtteile bevölkern.

3.1. Z horjeka wobjednanych příkladow za rěčnu interferencu z wulkej jasnosću wuchadźa, zo stej so systemaj wurazowych srědkow modalnosće strukturnje přibližloj: němske požčonki su wobohaciли serbščinu, serbske a němske słowjesa su přeměnili swoju distribuciju, serbski paradigma imperatiwa a konjunktiwa je so pod němskim wliwom trochu modifikuwał. Distribucija formow konjunktiwa je so we woběmaj rěcomaj přeměnila.

¹² Studien zur sprachlichen Interferenz II, Bautzen (so přihotuje).

3.2. To pak njeje dowjedlo k nastaću kongruency mjez systemomaj wurazowych srđkow modalnosće. Dopomnu jenož na to, zo požconka, kotaž dže wrćo na něm. *dürfen* (*dyrbjeć*, *dejaś* a pod.) nima semantisce ničo zhromadne ze svojim džensnišim němskim wotpowědnikom, zo *musyś* a *dejaś* drje maja podobnu distribuciju kaž němske *müssen* a *sollen*, ale zdaloka nic identisku; zo je so drje woznam serbskeho słowjesa *trjebać* přeměnil pod wliwom němčiny, ale we wulkim dželu serbskeho rěčneho teritorija njeje so wutworiła z tym dospołna ekwiwalenca serb. *trjebać* = něm. *brauchen*, přetož za njemodalne *trjebać* je zaskočilo němska požconka *browchować*; atd.

Teza L. W. Šcerby,¹³ aplikowana w poslednim času wot R. Olescha¹⁴ samo na trilingualnych Texaskich Serbow, wo tym, zo je so we Łužicy wutworiła jedna rěč (*langue*) z dwěmaj móžnosćomaj wuraza (na runinje parole) je potajkim njeadekwatna. Wobě rěči w kontakće stej tež we Łužicy wobchowało kóžda swoju wosebitu strukturu, nic jenož na fonologiskej abo formalno-leksikaliskej runinje, ale na wšěch runinach.

Widźimy potajkim, zo serbščina njemóže služić jako příklad za „*langue mixte à deux termes*“. Scyla dwěluju na tym, zo móhl tajki njeeconomiski komunikaciski srđk něhdže na přirodne wašnje nastać. Tomu zadžewa kontrola jednorěčnych partnerow. A prjedy hač by někajka rěč, kotaž — kaž serbščina — njewobsłužuje hižo scyla žanu jednorěčnu towaršnosć, dócpěla tajki stadij wuvića, zo so na runinje *langue* hižo scyla njeby rozeznawała wot teje rěče, z kotrejž je w kontakće, by towaršnosć zawěsće přešla k normalnej jednorěčnosći.¹²

¹³ Л. В. Щерба, *Восточнонужицкое наречие*, Петроград 1915, 193; *Sur la notion de mélange des langues*, w: Яфетический сборник IV, Проблемы, Leningrad 1926.

¹⁴ R. Olesch, *The West-Slavic Languages in Texas with Special Regard to Sorbian in Serbin, Lee County*, w: Texas Studies in Bilingualism, Berlin 1970, 162.